

Eldgos ("Vulkanud-brud")

Atuakkiortoq titartagartalersuisorlu: Rán Flygenring (Island)

Angústúra 2022

Nunani Avannarlerni Siunnersuisoqatigiit meeqqanut inuusuttunullu atuakkiortunut nersornaasiuttagaannut 2023-mi innersuunneqartoq

Susoqarpa: Oqaluttuaq Islandimi pivoq tassanilu nukappiaraq Kaktus sammineqarluni. Atuarfiani kumannik tuniluuttoqarpoq. Anaanaata kumaqalersikkusunngilaa, taamaattumik suliffimminut ilagaa. Kaktusip anaanaa takornarianik takornarniartitsisartuuvoq, nunamillu allaneersut takornariat ilagalugit pinngortitamik misigisassarsiorlussaalluni. Kaktus pikkunaatsooqqavoq. Assut pissanganartunik takusaqarusuppoq, aammalumi takusaqarluni – allaat allanit siulliulluni. Tassami innermik anitsineq takuaa! Aamma qinngutini allamik takusaqarpoq, kisianni kumaat oqaluttuamut qanoq atassuteqarpat?

Sammissat: Island, takornariat, innermik anitsineq, misigisutsit, pissanganeq, ajornartorsiummik aaqqiineq, quiasaarneq

Oqaloqatigiinneq sammissassallu:

ISIGINNAAJUTIGALUNI-ATUFFASSINEQ minnernut


Meeqqallu assiliartai isiginnaarsigit. Suna takusin-naaviusiuk? Inuit suppat? Uumasut suut takusinnaavisigit?

MINNERIT

1. Atukkap saqqaa isiginnaaruk. Atukkami sunamitaavaana allaaserineqarsimasoq?

2. Innermik anitsinerup assinganik takusaqarnikuuit? Illit nunagisanni innermik anitsisoqartarpa? Innermik anitsineq titartaruk.

3. Assit isiginnaakkit. Atukkami uumasut assigiinngitsut suut nassaarisinnaavigit? Illit nunanni uumasut taakku takusimavigit?



ISBN 978-952-7572-08-5

4. Assit isiginnaakkit. Kumaat sulerippat?

5. Illit anaanat ataatallunniit suliffianut ilaginikuugit? Taakani sulerivit? Pissanganarpa?

6. Equtissianut ruujorinik qinngusioritsi, pinngortitamilu misigisassarsiorlusi. Suut takuigit?

AKULLIIT

1. Atukkap saqqaa qanoq isumaqarfigaajuk? Qalipaait qanoq isumaqarpat?

2. Atukkami takornariarpassuaqarpoq. Takornariaq suua? Sulerisarpat? Illit nammineq nunanni nuna-miluunniit allami takornariarsimavit?

3. Takornarissat ilarpassui innermik anitsinermi assigiinngitsunik iliuuseqarpat. Susunuku? Isumaqar-pit qaqqap innermik anitsisup eqqaani sunilluunniit iliortoqarsinnaasoq? Arlaat sianigisariaqarpa?

4. Nunani sorlarni innermik anitsisoqartarpa? Nunami innermik anitsisartulimmi nunaqarluni ulorianarpa? Misissorsiuk oqaluuseralugulu.

5. Internettikkut innermik anitsisunik immiussanik isiginnaaritsi. Kingorna nammineq innermik anitsiner-mik sanagitsi. Internettimi ilitersuutininik nassaar-sinnaavutit.

6. Pappilliamut A4-mut innermik anitsineq titartaruk, aamma qaqqap innermik anitsisartup iluani innermik atsineq pillugu taalliorit.

7. Atuakkiortoq Rán oqaluttuarsimavoq, nammineq innermik anitsisartut assut "tiguartisimaffigalugit" Sooq taamaannersoq qanoq isumaqarfigaajuk? Illit arlaannit tiguartisimaffeqarpit?

ANGAJULLIIT

1. Atuakkami illit suna nuannaraajuk? Suna nuannaringiliuk? Arlaat paasiuminaatsippiuk? Oqaluttuanut allanut ilutsit allallu assingusut takusinnaavigit?

2. Bussimi takornariaq nuannarisat toqqaruk, taassumalu isummaa malillugu oqaluttuaa oqaluttuariuk.

3. Assit isiginnaakkit. Isummat malillugu titartaasup sooq inuit qernertumik/qaqortumillu, aamma pingortitaq qalipaaterlugu qalipassimavai?

4. Takorlooruk illit takornariaallutit. Illit takornariat taakku ilagisimagaluarpatsit inuit attaveqaataasigut ulloq qanoq takutissagaluarpiuk? Titartakkatut titartaruk.

5. Atuakkiortoq Rán oqaluttuamini pissutsit marluk, inuit aqussinnaangisai ilanngussimavai, tassa kumaqalerneq aamma innermik anitsineq. Taakku marluk pillugit ataatsikkoortillugit taalliarisinnaavigit?

6. Islandimi innermik anitsinerit pingasut kingullit pillugit paasissutissanik nassaarit.

AAMMA ATUARUK:

Naturen "Pingortitaq", atuakkiortoq Emma Adbåge

Guovssu guovssahasat ("Guovssus nordlys") atuakkiortoq Karen Anne Buljo aamma Inga-Wiktoroia Påve

OQAATSINIK SAMMIFFIK

"Innermik anitsineq"

